



UDALBATZAK 2007KO AZAROAREN 30EAN EGINIKO OHIKO OSOKO BILKURARI DAGOKION AKTA

Errenteriako Udaletxean, bi mila zazpiko azaroaren hogeita hamarreko 08:30 zirela, lehenengo deialdian eta Juan Carlos MERINO GONZALEZ alkate jaunaren esanetara, ondoko zinegotziak elkartu dira:

- Joaquin ACOSTA PACHECO
- M^a del Mar CARRILLO GASCON
- Silvia ASTORGA MARTINEZ
- Jesus OFICIALDEGUI RUIZ
- Joseba ETXARTE MARTIN
- Jose Angel RODRIGUEZ MEDINA
- Juan Carlos MURUA ROMA
- Itsasne ALVAREZ DE EULATE LASA
- Luis Santiago ANGULO MARTIN
- Agustina Ana CANO CEREIJO
- Iñaki QUERALT COIRA
- Gorka MAUDES MIGUELTORENA
- Maite PEÑA LOPEZ
- Jon Ugutz ORMAETXEA BERROETA
- Jose Manuel FERRADAS FREIJO
- Jose LEGORBURU AYESTARAN
- Lucia PERALTA RODRIGUEZ
- M^a Angeles BASTOS FERNANDEZ
- Joxe Mari BURGOS VIÑARAS
- Ez da etorri Jose Miguel GOLMAYO GAUNA jauna.

Bertan dago udal kontu-hartzaile Jose M^a ARENZANA GARCIA jauna. (Gai Zerrendako 12. puntuan bilkuratek alde egin zuen).

Bertan dago, egintzaz fede emateko, Udaleko idazkari nagusi Fco. Javier LESCA EZPELETA jauna.

1. Udalbatzak 2007ko urriaren 15ean eginiko ezohiko osoko bilkurari dagokion aktaren irakurketa eta onespena, bidezkoa bada.

Idazkariak 2007ko urriaren 15eko ezohiko bilkurari dagokion akta irakurritakoan.

Udalbatzak, aho batez,

E R A B A K I D U



Onartzea 2007ko urriaren 15eko ezohiko bilkurari dagokion akta.

2. Posta, erabaki ofizialak, auzitegien epaiak eta Lehendakartzako kudeaketak.

Idazkari nagusiak lehenik jakinarazi du 2007ko uztailaren 26ko osoko bilkurak kalifikazio juridikoa aldatzeko onarturiko espedientearen amaiera, hots, Galtzaraborda etorbideko 93an uren udal zerbitzua zegoen lekua. Orain ondare-ondasuna izatera pasako da, eta beraz, bertan aurreikusitako gauzetarako erabiliko da.

Jarraian, Euskal Herriko Justizia Gorenak emaniko epaiaren berri eman du. Bertan Santiago Angulo eta besteek 2005eko Aurrekontuaren aurka, Lurzoruaren Udal Ondareari dagokion atala soilik ezesten da. Laugarren oinarri juridikoan erreklamaziogileen zilegitasuna zabal abordatu ostean, 2005eko Aurrekontuetan aurreikusten dena, ondarearen aferaren legezkotasunari dagozkionak, egokia dela irizten dela, esan du.

Ondoren, Donostiako administrazioarekiko auzibideen jurisdikzioak 2007ko azaroaren 11n emaniko epaiaren berri eman du. Bertan, JAUREGUIZAHAR S.L promociones inmobiliarias-ek Udal honen aurka, GECOTOR enpresa zegoen tokian Udal honi erdietsitako lurzoru deskutsatzeko kontzeptuz 527542 € exijituz eginiko erreklamazioa ezesten da, hain zuzen, betebehar hori Udalari -aurreko jabea zelako- zegokiola uste duelako.

Azkenik, NIESEN merkatalgunearen eraketa dela eta, desjabetza kontzeptuz desjabetzeko epaimahaiak hartutako akordioen aurkako bi epaien berri eman du. Hau da, Euskal Herriko Justizia Goreneko Auzitegiak 2007ko urriaren 24an emanikoa, non errekurtsua hein batean onartzen baita desjabetutakoaren balioa handituz, hain zuzen, hasierako 162.886,67 €-ko balio justua 295.672,24 €-ra igotzen duelako, eta bestea, berriz, 207.721,26 €-tik 379.895,70 €-ra. Edonala ere, ohartarazten du hasieran erreklamatzeko zenetik (lehenengorako 990.848,71 € eta bigarrenerako 1.180.990,89 €) oso urruti geratu dela.

Udalbatza jakinaren gainean geratu da.

3.- Alkateak emaniko ebazpenen (1229 zk.tik 1406 zk.ra), zinegotzi-ordezkariek (2362 zk.tik 2625 zk.ra) eta Tokiko Gobernu Batzarrak emanikoan berri ematea.

Udalbatza jakinaren gainean geratu da.



4. Socialistas Vascos-Euskal Sozialistak taldeko zinegotzi Jose Miguel Golmayo Gauna jaunaren kargua uztea eta bere ordezkorearen izendapena.

Jose Miguel GOLMAYO GAUNA jaunak, Socialistas Vascos-Euskal Sozialistak udal taldekoak, idatzi bat egin du eta bertan Udalbatzari Udal honetako zinegotzi izateari uzten diola adierazten dio.

Partido Socialista de Euskadi-Euskadiko Ezkerrak (PSOE) 2007ko toki hauteskundeetara aurkezturiko zerrendako gainontzeko izangai guztiek uko egin diote idatzi baten bidez zinegotzi-karguari.

Juan Carlos Merino Gonzalez jaunak, PSE-EEren (PSOE) Errenteriako Batzordeko idazkari gisa kargu hori okupatzeko Mikel Duran Gonzalo jauna izendatzea proposatu du.

Idazkariak gai honi buruzko txostena egin du 2007ko azaroaren 23an.

Lehendakaritza eta Barne Antolaketako batzordearen proposamena ikusitakoan.

Mintzatu dira:

* Cano andreak (Oreretako EAE/ANV) zera irakurri du: "2007ko azaroaren 30eko osoko bilkuran proposatzen den zinegotzi baten ordezkapenaren aurrean, Oreretako EAE/ANV udal taldeak horren aurrean ondoko adierazpenak egin nahi ditu: Begirunez ikusten dute Socialistas Vascos-Euskal Sozialistak udal taldeak proposatzen duen ordezkapen-prozedura eta bere zilegitasuna onartzen dute. Prozedura hori "Ley Orgánica Electoral General" delako legearen 182 artikulua aplikazioaren adierazpena besterik ez da. EAE/ANV alderdiak gaur 77 urte betetzen ditu. Hainbat herritan eta erakundetan alderdi honek ere artikulua honetako beraren aplikazioa eskatu izan du bere ordezkariak bermatu ahal izateko. Kasu horietan, Eusko Abertzale Ekintza/Acción Nacionalista Vasca alderdiaren eskaera ere zilegi zela argi utzi nahi dute. Halere, beste alderdi politiko gehienek atzera bota izan dute euren eskaera legearen iruzurra izan zitekeela argudiatuz. EAE/ANV alderdiaren eskaera eta honen ukazioa ezohiko egoera baten ondorioak dira, izan ere, inolako epaiketarik gabe milaka herritarrei aukeratua izateko eta aukeratzeko eskubidea ukatu egin baitzaie".

* Merino alkate jaunak (Socialistas Vascos-Euskal Sozialistak) adierazi du irizpen guztiak errespetatzen dituela, baina bere aburuz aitortzen hau ozta-ozta ekarritakoa da eta ikusteko gutxi du ikusten ari



diren puntuarekin. Edonola ere, errespetatzen du bakoitza nahi duena adierazteko duen eskubidea.

Mintzaldiak amaitutakoan.

Udalbatzak, gehiengoz, aldeko 14 botorekin (Merino, Acosta, Carrillo, Martinez, Oficialdegui, Etxarte, Rodriguez (Socialistas Vascos-Euskal Sozialistak)), (Peña eta Ormaetxea (EAJ/PNV)), Ferradas eta Legorburu (Ezker Batua-Berdeak)), (Peralta eta Bastos (PP)) eta (Burgos (EA)); eta 6 abstentzios (Murua, Alvarez de Eulate, Angulo, Cano, Queralt eta Maudes (Oreretako EAE/ANV)),

E R A B A K I D U

1. Onartzea Jose Miguel GOLMAYO GAUNA jaunaren (Socialistas Vascos-Eusko Sozialistak) kargu uztea, eta beraz, berari dagokion lekua hutsik dagoela aitortzea.

2. Onartzea alderdi politiko horren zerrendan joan ziren gainontzekoen uko egitea???. Hots: Gwendoline Trinita Diaz Barrero, Peregrina Villar Perez, Rafaela Romero Pozo, M^a Nieves Vejo Castroagudín, Pedro Maria Fernandez Otero, Jose Astorga Perez, Adrián Salvador Bartolomesanz, M^a Teresa Jauregi Atondo, Ana Belen Sanchez Pineda, Modesto Del Rio Herrero, M^a Angeles Machin Rodriguez, Jose Angel Prieto Gimenez, Miguel Angel Buen Lacambra jaun-andreena.

3. Aintzat hartzea Mikel DURAN GONZALO jaunak, NAN: 72466431-D duenak, Socialistas Vascos-Euskal Sozialistak taldeko partaidea izan dadin.

4. Hauteskunde-batzorde zentralari jarduketan berri ematea bidezko kredentziala egin dezan.

5. Alkatetza-dekretuaren berri ematea, 2007ko azaroaren 14koa, Jose Miguel Golmayo Gauna Udal honetako alkateorde kargutik kentzeko eta M^a Mar Carrillo Gascon andrea izendatzeko.

Alkatetzak 2007ko azaroaren 14an emaniko dekretuaren berri eman da, zeinak hitzez hitz zera baitio:

Alkatetzak 2007ko ekainaren 22an emaniko dekretu bidez Udal honetako alkateordeak izendatu ziren.

Orain, udal jarduera hobetzearren, hainbat aldaketa egitea komenigarritzat jo du.



Alkatetza honek, Tokiko Araubide Oinarrien Lege-arautzailearen 23. artikulua ematen dizkidan eskumenez baliaturik,

E R A B A K I D U

1. Udaleko alkateorde izatetik **kentzea**:

- Jose Miguel GOLMAYO GAUNA

2. Udaleko alkateorde **izendatzea** (gaurtik aurrera) Gobernu Batzarreko ondoko zinegotzia:

- M^a Mar CARRILLO GASCÓN

3.- Udalbatzari lehenengo osoko bilkuran gai honen berri ematea.

4.- Dekretu honen berri ematea interesdunari, hain zuzen espresuki edo tazituki kargua onartzeko.

Udalbatza jakinaren gainean geratu da.

6. Alkatetza-dekretuaren berri ematea, 2007ko azaroaren 14koa, Jose Miguel Golmayo Gauna Udal honetako Gobernu Batzordeko partaidea izatetik kentzeko eta M^a Mar Carrillo Gascon andrea izendatzeko.

Alkatetzak 2007ko azaroaren 14an emaniko dekretuaren berri eman da, zeinak hitzez hitz zera baitio:

"2007ko ekainaren 22an eginiko dekretu bidez erabaki nuen Tokiko Gobernu Batzarra eratzea eta bertako partaideak izendatzea.

Orain, udal jarduera hobetzarren hainbat aldaketa egitea komenigarritzat jo dut.

Alkatetza honek, Tokiko Araubide Oinarrien Lege-arautzailearen 23. artikulua ematen dizkidan eskumenez baliaturik,

E R A B A K I D U

1. Tokiko Gobernu Batzarreko partaide izatetik **kentzea**:

- Jose Miguel GOLMAYO GAUNA (Socialistas Vascos-Euskal Sozialistak).



2. Tokiko Gobernu Batzarreko partaide **izendatzea** ondoko zinegotzia:

- M^a Mar CARRILLO GASCON (Socialistas Vascos-Euskal Sozialistak)

3. Udalbatzari lehenengo osoko bilkuran gai honen berri ematea.

4. Dekretu honen berri ematea interesdunari, hain zuzen espresuki edo tazituki kargua onartzeko".

Udalbatza jakinaren gainean geratu da.

7. Alkatetza-dekretuaren berri ematea, 2007ko azaroaren 14koa, "Udal Kirol Patronatu"ko eta "Errenteria Musikal Patronatu"ko lehenengo ordezkariak kendu eta berriak izendatzeko.

Idazkariak Alkatetzak 2007ko azaroaren 14an emaniko dekretuaren berri eman du, zeinak hitzez hitz zera baitio:

"Udal honetako zinegotzi Jose Miguel GOLMAYO GAUNA jaunak zinegotzi-karguari uko eginez idatzi bat aurkeztu du, 2007ko azaroaren 12ko eta 14782 zk.ko erregistro-sarrera duena.

Legeak ematen dizkidan eskumenak baliatuta,

EBATZIDUT

Lehenengo. Baliogabetzea Jose Miguel GOLMAYO GAUNA jaunari eskuordetutako "Udalaren Kirol Patronatu"ko eta "Errenteria Musikal Patronatu"ko lehendakariak.

Bigarren. Jose Angel RODRIGUEZ MEDINA jaunari eskuordetzea "Udalaren Kirol Patronatu"ko eta "Errenteria Musikal Patronatu"ko lehendakariak, Udal honetako administrazio izaerako erakunde autonomoak. Jaun honek, ordezkariak honen baitan, Patronatuetako lege eta estatutuek lehendakariari ematen dizkieten eskumenak baliatu ahal izango ditu.

Hirugarren. Ordezkariak hau indarrean sartuko da ebazpen hau jakinarazten den biharamunean. Behin-betiko izaera izango du, baina Alkatetzak indarririk gabe uzteko eskumena izango du. Horrez gain, 24 orduren barruan ez badu ezer esaten edo eskuordetzea baliatzen badu eskumena onartu duela ulertuko dut.



Laugarren. Ebazpenaren berri ematea zinegotziari. Bertan jakinaraziko zaio eskuordetze honen baitan egiten dituenak Alkatetzari adieraziko beharko dizkiola eta ezin izango duela eskuordetze berririk egin hirugarren bati.

Bosgarren. Dekretua argitaratzea Gipuzkoako Aldizkari Ofizialean eta Udaleko Informazio Buletinean, Herri Administrazioen Antolaketa, Funtzionamendu eta Araubide Juridikoaren erregelamenduaren 44.2 artikuluan xedatutakoa betez, 2568/1986 Errege-dekretu bidez onartua, azaroaren 28koa.

Seigarren. Ebazpen honen berri ematea Udalbatzak egingo duen lehenengo osoko bilkuran, eta edukia Udalaren Kirol Patronatuari eta Errenteria Musikal Patronatuari jakinaraztea".

Udalbatza jakinaren gainean geratu da.

8. Alkatetza-dekretuaren berri ematea, 2007ko azaroaren 14koa, "Trafikoa eta Garraioa" eta "Ingurumena" arloetako lehengo ordezkariak kendu eta berriak izendatzeko.

Idazkariak Alkatetzak 2007ko azaroaren 14an emaniko dekretuaren berri eman du, zeinak hitzez hitz zera baitio:

"Udal honetako zinegotzi Jose Miguel Golmayo Gauna jaunak zinegotzi-karguari uko eginez idatzi bat aurkeztu du, 2007ko azaroaren 12ko eta 14782 zk.ko erregistro-sarrera duena.

Alkatetza honek, apirilaren 2ko 7/1985 Legearen 21.3 eta 23.4 artikuluek ematen dioten eskumenez baliaturik, Toki Araubidearen Oinarriak Araitzen dituen, apirilaren 21eko 11/1999 Legeak hari ematen dion idazketa berrian, eta bat datorren gainontzeko legeria dela medio, berari dagozkion eskumenak ordezkari ditzake baldin eta beroriek Toki Araubidearen Oinarriak araitzen dituen Legearen 21.3 artikuluan (egun idatzita dagoen moduan) aurreikusitako kasuen barruan aurkitzen badira, eta halaber, azaroaren 26ko 30/1992 Legearen 13. artikulua, Herri Administrazioen Araubide Juridikoaren eta Administrazio Prozedura Erkidearen Legea, egun urtarrilaren 13ko 4/1999 Legeak berori jasotzen duen moduan, non ordezkari ez litezkeen eskumenak araitzen baitira.

Eta komenigarritzat jotzen dudanez egungo ordezkariak berriro banatzea.

Alkatetza honek, legez dagozkion eskumenez baliatuta,



E B A T Z I D U

LEHENIK. Baliogabetzea Jose Miguel GOLMAYO GAUNA jaunari 2007ko ekainaren 20ko Alkatetza-dekretu bidez eskuordetutako **Trafiko eta Garraio saileko** ordezkaritza.

BIGARREN. Baliogabetzea Jose Angel RODRIGUEZ MEDINA jaunari 2007ko uztailaren 12ko Alkatetza-dekretu bidez eskuordetutako **Ingurumena saileko** ordezkaritza.

HIRUGARREN. Jarraian ezagutzera ematen diren zinegotzietei eskuordetzea euren jarduera arloko **gaien kudeaketa eta ebazpena**, zeinak segidan ezagutzera ematen baitira:

Arloa: Trafikoa eta Garraioa.

Zinegotzia: M^a del Mar CARRILLO GASCÓN

Jarduteko eremua: Ondoko eginkizunak egiteko eskumena:

Saileko zuzendaritza eta kudeaketa.

Tramitazio-agiriak edo behin-betikoak sinatzeko, eskuordetze hori eramateko ebazpen-proposamenak eta beharrezkoak diren dekretuak.

Arloa: Ingurumena

Zinegotzia: Joseba ETXARTE MARTIN

Jarduteko eremua: eskuordetze honen barruan sartzen dira arloko zuzendaritza, kudeaketa, hainbat dokumentu tramitatzeko edo behin betirakoak sinatzea, eskuordetze hori gauzatzeko erabaki-proposamenak eta dekretuak barne direla, eta batez ere, ondoren aitatzten direnak:

- Eskuordetuari dagozkion egintza eta ebazpenen ziurtagiriak, eta halaber, Sailean dauden artxibo eta agiriena.

LAUGARREN. Aitatu zinegotzietei eskumenak eskuordetzeak bere baitan izango du dagokion Arloko zuzendaritza eta kudeaketa burutzeko eginkizuna. Halaber, behin-betiko edo tramitezko agiriak sinatzekoa, hau da, eskuordetze hori gauzatzeko beharrezkoak izango diren ebazpen-proposamen eta dekretuak egitekoak alegia.

BOSGARREN. Eskuordetutako eskumenak adierazitako mugen barruan burutu ahal izango dira, eta titularrek ezin izango dute beste organo edo zinegotziren bati eskuordetu.



Eskuordetze honen baitan, zinegotziek erabakitako ebazpenetan egoera honen berri emango da, hain zuzen azalpen-zatian ondorengo testu hau sartuta:

«Hori guztiagatik, Udal honetako Alkatetzak..... (e)an, zk.ko dekretu bidez eskuordetutako eskumenak baliatuz».

Eskuordetze horren baitan hartzen diren erabakiak Alkatetzak emanak izango bailiran hartuko dira, zeinari berorien berri eman baitzaio. Eta ondorioz, exekutatzeko eta zilegitasun presuntzioa izango dute.

SEIGARREN. Eskuordetze hauek indarrean sartuko dira dekretu honen data-egunean bertan. Izendapena behin-betikoa izango da, eta Alkatetza honek indarririk gabe uzteko eskumena izango du.

Zinegotzi-ordezkariek, edozein arrazoiengatik, kanpoan, gaixo-edo egongo balira, edo beste eragozpenen bat izango balute, eskuordetutako eskumenak, besterik gabe, Alkatetzak bereganatuko lituzke, eta beroriek eskuratzekoez luke ebazpen berri bat egin beharrik izango.

ZAZPIGARREN. Ebazpen honen berri ematea aitaturako zinegotzietan, eta 24 orduren barruan ez badute ezer esaten edo eskuordetze baliatzen badute eskumena onartu dutela ulertuko dut.

ZORTZIGARREN. Ebazpen honen berri ematea Udaltzatzen egingo duen lehenengo osoko bilkuran, eta testu hau Gipuzkoako Aldizkari Ofizialean argitaratzea, lehen aitaturako legezko testuaren 44.2 artikuluan xedaturakoa betez".

Udalbatza jakinaren gainean geratu da.

9. 2008ko ordenantza fiskalak: eginiko alegazioaren ebazpena eta behin-betiko onspena ematea.

Aurtengo urteko irailaren 28ko osoko bilkurak behin-behinekotasunez onartu zuen 2008rako Ordenantza Fiskalak aldatzeko proposamena. Aldaketa guztiak bertan dihoan **eranskinean** azaltzen dira.

Aldaketa horiek 2007ko urriaren 5ean jendaurrean jarri ziren 30 lanegunez, beti ere horretarako iragarkia GAOn, 196 zk.an, argitara eman ostean.

Jendaurrean egondako garaian, hau da, 2006ko urriaren 6tik azaroaren 12ra (biak barne), 14.607 zk.ko sarrera-erregistrodun alegazioa bakar bat egin zuten.



Udal kontu-hartzaileak, 2007ko azaroaren 15an eginiko txostenean, zaborrak jaso eta desegiteko tasari buruz eginiko alegazioa hein batean onartzeko eta TAO eta Garabiari buruzko tasari dagokiona atzera botatzeko proposamena egin zuen.

EAE-ANV-ek ondoko proposamena egin du: oinarritzko diru-sarrera gainditu eta lanbide arteko gutxiengo soldata baino gutxiago jasotzen ez dutenei % 50eko hobaria egitea. Gaia azterlan tekniko bat egitearen baitan geratu da.

Ogasuna batzordeak eginiko proposamena ikusitakoan.

Mintzatu dira:

* Murua jaunak (Oreterako EAE/ANV) adierazi du erantzunak hein batean eurek eginiko erreklamazioei arrazoia ematen diela, izan ere, azken finean egin dena zera da: txosten teknikoa birmoldatu eurek salatzen zuten egoera zuzentzeko. Bestalde, batzordean bertan, euren taldeak proposamen bat egin zuen, proposamen hori aztertzeko txosten teknikoaren zain zeuden. Pentsatzen zuten txosten hori udalbatzar hau egin baino lehenago banatuko zela eta aukera izango zutela hori aztertzeko, baina ez da horrela gertatu, eta beraz, berriro proposamen bera egiten dute. Hots, %50eko laguntza ematea oinarritzko soldata eta lanbide arteko gutxieneko soldata kobratzen dutenen artean sartzen direnei. Eurek proposamen hori egin zuten Ogasun batzordean eta han ez zen erabakirik hartu. Eta horregatik planteatzen dute orain, edozein erabaki hartu baino lehen, proposamen hau bozkatzeari.

* Merino alkate jaunak (Socialistas Vascos-Euskal Sozialistak) adierazi du kontu-hartzaileak eginiko txostena oso argia dela. Besterik da -dio- ordenantzak aldatu nahi izatea, baina hori, jakina den moduan, ezinezkoa da, are gutxiago une honetan. Bere garaian talde bakoitzak eman zuen bozkaren arabera onartu ziren, baina, berriro diot, onartu ziren. Eta bakarrik elementuren bat ez zegoela ondo, edo legea, prozedura, etab. dela medio aldatzea beharrezkoa bazen aldatuko zuketena. Kontua ez da horrela, izan ere, TAO zein garabiaren afera kontu-hartzailearen txostenean ondo aski azalduta geratu direlako. Oinarritzko diru-sarrerari dagokionez, berriz, amaierako argibidea egin zen. Izan ere, desfase bat zegoelako oinarritzko diru-sarrera eta Udalbatza honek diruz laguntzeko eskatzen zuen kopuruaren artean. Egoera aldatu da oinarritzko diru-sarrerak, zorionez, igo direlako, eta beraz, berdina dio azken ohar hori azaltzea edo kentzea. Nik, aukeraz baliatuz, kentzeko proposamena egiten dut. Besterik da -dio- oinarritzko



diru-sarrera zenbatekoa izan behar duen bakoitzak izan dezakeen filosofia, udaleko fiskalitateak nola ikusia izan behar duen, etab. Baina, berriro dio, kontu hori ez da orain eztabaidatzen ari direna. Ordenantzak onartuta daude, eta zuzenketa gisa lege edo prozedura kontuengatik ez bada, ez da orain eztabaidatzeko kontua. Bestela, gaia bera aztertu beharko litzateke, eta, berriro dio, ez da horretarako unea. Tasak hurrengo aldi onartzen direnean, hortaz hitz egin behar bada, hitz egingo dugu, gaineratu du.

* Muruak jaunak (Oreretako EAE/ANV) alkateak esan dituenarekin ez daudela ados esan du. Azken finean, dio, hemen jasotzen dena da Udalbatzaren borondatea, eta horregatik ez zen oinarrizko diru-sarrera bakarrik aipatzen, baizik eta oinarrizko errenta eta gero beste kantitate bat handiagoa. Bere ustez, hor ikusten da udalbatzaren borondatea diru-laguntza ematea dela oinarrizko diru-sarrerak dituzten baino jende gehiagori. Beraz, pentsatzen dute oinarrizko errenta igotzen joan den neurrian zergak ere gora egin dutela. Horregatik, lehengo borondatea mantendu behar dela pentsatzen dute, eta hori egokitzeko kantitate bat jarri beharrean, lehen aipatzen zen bezala 590 €koa, eurek planteatzen dute erreferentzia gisa alde batetik oinarrizko diru-sarrera, eta bestetik, lanbide arteko oinarrizko soldata jartzea. Horrela, tarte horretan dagoen jendeak jasoko luke lehen ezarritako diru-laguntza. Beraz, uste dute borondate kontua dela eta ez gauza berria eurek planteatzen dutena. Horregatik nahi dute Udalbatzak bozkatzea.

* Merino alkate jaunak (Socialistas Vascos-Euskal Sozialistak) berriro adierazi du borondate hori goraiagarria dela, baina ez dela ordenantzen izpiritua ezta eztabaidatzeko garaia ere. Ordenantzak dioena dio, hots, balizko desfase horretan oinarrizko diru-sarrerak eta bere garaian Udalbatzak onartu zuen kopuruak sartuko direla. Gaur egun, kopuru hori gaindituta dago, eta proposamena paragrafo hori kentzeko da, gaineratu du.

Mintzaldiak amaitutakoan.

Udalbatzak, gehiengoz, aldeko 12 botorekin (Socialistas Vascos-Euskal Sozialistak, PP, EA, EAJ/PNV), 6 boto aurka (Oreretako EAE/ANV) eta 2 abstentzioz (Ezker Batua-Berdeak),

E R A B A K I D U

1. Alegazioa hein batean onartzea, hots, goiko paragrafoan jasota dagoen bezala.



2. Behin-betiko onespina ematea 2008ko Ordenantza Fiskalen aldaketari, eranskin gisa gehitu zaion zerrendaren arabera hain zuzen ere.
3. Gipuzkoako Aldizkari Ofizialean argitara ematea 2008ko Ordenantza Fiskaletan eginiko aldaketa guztiak.

10. 2007ko aurrekontua exekutatzeko 8. oinarria onartzearen aurkako berraztertze-errekurtsoa.

Udalbatzak, 2007ko uztailaren 10ean, 2007ko Aurrekontu Orokorra egikaritzeko udal araua (8.4 oinarria) aldatzea erabaki zuen.

Erabaki hau 2007ko uztailaren 19an argitara eman zen GAO. 15 laneguneko epea ireki zen espediente aztertze eta, bidezkoa izanez gero, erreklamazioak egiteko.

2007ko irailaren 13an Idazkari Orokorrak ziurtatzen du ez dela erreklamaziorik aurkeztu.

2007ko azaroaren 7an, Itsasne Alvarez de Eulate andereak, Oreretako EAE-ANV talde politikoaren izenean, aipatu erabakiaren aurkako berraztertze helegitea jarri zuen, nahiz eta bertan adierazi, oker baldin badaude ere, erabaki hori Udalbatzak uztailaren 26an hartu zuela.

Udal lege-aholkulari M^a Isabel Martin Alza andreak gaiari buruzko txostena egin du 2007ko azaroaren 15ean.

Ogasuna batzordearen proposamena ikusitakoan.

Mintzatu dira:

* Angulo jaunak (Oreretako AEA/ANV) adierazi du dirudienez euren helegitea atzera botatzeko eman den arrazoia, epez kanpo egin izana da. Eta egia da epez kanpo egin dutela. Hala ere, horrek ez du baztertzen Udal hau legeak dionaren aurka jokatzeko ari den susmoa. Izan ere, 7/1985 Legeak, Toki-Jaurbidearen Oinarriak arautzen dituenak, 2003an eguneratuak, 75. artikulua lehengo puntuan zera esaten baitu: "Udalbatzarreko kideek beren karguan aritzeagatik ordainsariak jasoko dituzte, arduraldi eskusiboaz aritzen direnean, Gizarte Segurantzaren erregimen orokorrean alta eman beharko zaiela". Aurrerago, 2. puntuan zera dio: "Bere kargua arduraldi partzialaz betetzen duten kideek ordainsaria jasoko dute, haietan aritzen diren denborarengatik, eta Gizarte Segurantzaren erregimen orokorrean alta eman izango dute". Eta aurrerago, 3. puntuan zera dio: "Arduraldi osoa edo partziala ez duten kideek kide anitzeko organoen



bilkuretara benetan joategatik soilik jasoko dute ordainsaria, Udalbatzarrak erabakitakoaren arabera”.

Beraz, Legeak ez du beste egoera berezirik aipatzen, hau da, hitz arruntez esanda, hiru atal azaltzen dira: liberatuak, erdi liberatuak kobratu behar dituzte ordainsari horiek eta ez besteok. Aldiz, euren ustez, Udalbatzar honek uztailaren 26an onartutakoak zuzen jotzen du lege honek esaten duenaren aurka, udalbatzar honetako kide batzuek, denbora osoz edo zati batean aritzen ez badira ere, bere karguan aritzeagatik kobratu egiten dutelako. Izan ere, hemen kide batzuk, liberatuta edo erdi liberatuta egon gabe, diru hori modu finko batean eta aldizkakoa kobratzen dutena. Gainera, pertsona horiek ez daude sartuta Gizarte Segurantzaren Erregimen Orokorrean Udalaren kontura. Kasu horretan, euren ustez, Udala ez da legea betetzen ari.

Horregatik, Alkate jaunari zera eskatu nahi diote: alde bateitik, gai honen inguruan txosten juridiko bat agindu dezala, egoera benetan zein den ezagutzeko eta ilegalitatean ez erortzeko. Eta bestetik, Udalbatzar honi helegite hau atzera bota ez dezala, txosten juridikoak dioena jakin arte behintzat, Udal honen erabakia legearen aurkakoa izan ez dadin.

* Merino alkate jaunak (Socialistas Vascos-Euskal Sozialistak) adierazi du bera ez dela hain ausarta. Berak legeari errespeto handia dio eta horretarako egiten dira une bakoitzean txostenak, gaineratu du. Angulo jaunari zuzenduz zera esan dio: ilegaltasun kontzeptua kezkatzeko moduko arintasun eta arduragabekeriarekin erabiltzen dituela. Edozein kasutan ere -dio- Udal honek eta Alkate honek une oroz legezkotasun txostenen baitan jarduten du. Horrela, kontu hori onartzeko txosten bat egin zen eta une hartan zuzenbidaren arabera zela jo zen, hau da, hartan oinarrituz aurkeztu zitzaion Udalbatzari, honek bozkatu eta onartu zuen. Gero, inpugnatzeko edo onespentak zuzentzeko epe batzuk zeuden, eta kekek egiterako epe horiek, berak ez dakizkien arrazoiengatik, igarota zeuden. Legeak alegazioa epez kanpo aurkeztu bada, ez dela berori aintzat hartu behar esaten du, gaineratu du. Edonola ere, Angulo jauna lasai egon dadin, esaten dio zerbitzu juridikoek gai hori aztertu dutela, usaian edozein dokumenturekin edo edozein udal ekintzekin egiten den moduan. Aldaketaren bat egin behar bada, zalantzarik gabe egingo dute, baina horrek ez du esan nahi erreklamazioa edo 2007ko Aurrekontuaren zortzigarren oinarriari haurkezturiko helegitea epez kanpo egin ez denik, eta horregatik, ez da aintzat hartzekoa.

Mintzaldiak amaitutakoan,

Udalbatzak, gehiengoz, aldeko 12 botorekin (Socialistas Vascos-Euskal Sozialistak, EAJ/PNV, EA, PP) eta aurkako 8 botorekin (Oreretako EAE/ANV, Ezker Batua-Berdeak),



E R A B A K I D U

Ez onartzea berraztertzeke helegitea, hain zuzen tarteratzeko epea igaro ostean bideratua izan delako.

11. 2003ko udal aurrekontuei buruzko 566/04 epaia exekutatzea.

* Merino alkate jaunak (Socialistas Vascos-Euskal Sozialistak) adierazi du, Oreretako EAE/ANV udal taldeak proposatuta, Udalbatzari proposatzen diola Ogasuna batzordeak onarturiko mozioa zuzendua onar dezan.

2007ko uztailaren 26an, Udal honetan sarrera eman zitzaion 2003ko udal aurrekontuei buruzko 566/04 zk.ko epaiaren jakinarazpena.

Idazkariak eginiko txostenean, besteak beste, nabarmentzen da organo-arduradunak epaia betetzeko akordioa hartu behar duela.

Lurzoruaren Udal Ondarearen afera kontu konplexua denez, eta halaber, epaia bera betetzea.

Kontuan izanik Lurzoruaren Udal Ondarean inbertsio garrantzitsuak egin behar direla, eta are garrantzitsuagoa dena, jarduketa argiak egin Babes Publikoko Etxebizitzak eraikitzeke.

Mintzatu dira:

* Ferradas jaunak (Ezker Batua-Berdeak) adierazi du talde gisa mozioaren alde bozkatuko dutela, nahiz eta mozio hori gehiago zehaztua izatea gustatuko litzaiekeen, izan ere, mozioa gehiago garatzea posible dela uste baitute. Alde bozkatuko dute nahiz eta akordioa gauzatzeko izan dituzten negoziazioetan euren taldea izan inolako informaziorik eman ez diotena. Alkateari zuzenduz esan dio akordio honen ibilbideari oso gertutik jarraituko diotela, eta ahal duten neurrian erraztuko dituzte mozioan proposaturiko akordioak edo hitzarmenak, alabaina Alkate jaunari eskatzen diote, euren bezala eskuzabal jardunez, ahalik eta akordio zabalenak erdiesteko proposatzen duten hirigintza-politika berrian. Ildo horri jarraiki, uste dute ona dela mozio hau jorrazteko garaian jaso izan duten moduko bazterketak saihestea eta Udalbatzan dauden udal talde guztien eskuhartzea bilatzea gaur onartzea itxaroten duten mozioa garatzen den garaian.

* Merino jaun alkateak (Socialistas Vascos-Euskal Sozialistak) talde guztiei kolaborazio maila bera eskatzen diela. Berak ez du inongo asmorik Udalbatzako gainontzeko taldeekin lanik ez egiteko, eta jakinarazi du kasu



honetan ez dela talde bakar batekin ere negoziatzen ibili. Bere esanetan, demandagileek, hots, 2003ko Aurrekontuaren aurka helegitea jarri zutenekin, argi dagoen moduan, erdietsi behar zuten akordioa mozio hau gauzatu ahal izateko.

* Peña andreak (EAJ/PNV) adierazi du eurek pozik daudela kasu honetan auzigileak eta auzitaratua -kasu honetan Udala- akordio batera iritsi direlako; prozedura judizialarekin ez jarraitzeko exekutatzeko konponbidea aurkitu dutelako. Eskertzen du bi aldeek erakutsi duten prestutasuna, halere gustatuko litzaieke nabarmentzea kontu honek ez dituela ustekabea inor harrapatu. Horrela, uste dute Ezker Batua-Berdeak taldeak interesa bazeukan ekarpenen bat egiteko, epaia exekutatzeko akordioa urriegia iruditzen zitzaielako, bere garaian egin zezaketela, izan ere, horretarako aukerarik izan baitute.

* Murua jaunak (Oreretako EAE/ANV) ondorengo idatzia irakurri du: "2003 urteko Aurrekontuaren onarpenaren aurka helegitea erabaki zuten Ezker Abertzaleko zinegotziek. Bertan, babes ofizialeko etxebizitzaren inguruan legeak agintzen duena bete ez zelako. Honek eta irtenbidearen aurkako gainontzeko alderdiek zuten jarrerak epaitegietako bidetara hasiera eman zioten. Urte luze bat beranduago "Tribunal de Superior de Justizia" delakoak errekurtsioaren alde epaia eman zuen, baina ez zen nahikoa izan eta auzia Gorenera eramatea, aho batez, onartu zuten gainontzeko alderdiek, urteetan eraman zuten etxebizitza-politika okerrari jarraipena emanaz. Ezker Abertzaleak, gaiaren garrantzia ikusirik, aurrera joatea erabaki zuen, auzi honek zekarren kostu-ekonomikoa handia izan arren. Aurten behinbetiko epaia atera da, eta Ezker Abertzaleak defendatzen zuen ideien aldekoa izan da. Honen ondorioz, gaur hemen daude epai hori betetzearren adostutako akordio hau gauzatzeko prest. Epai honek hemendik aurrera Udalaren etxebizitza-politikan izango duen eragina handia izango duela espero dute. Honek erakusten baitu auzira jo behar izan gabe, akordioren bidez, emaitza onak lortu daitezkeela. Bukatzeko, Oreretako herritarrek Ezker Abertzalearen ahalegina ontzat emango duelakoan daude, hain zuzen, euren interesen aldeko emaitza lortu delako".

* Merino jaun alkateak (Socialistas Vascos-Euskal Sozialistak) adierazi du prozesua luzea izan dela. Hots, 2003ko Aurrekontuak egin zirenetik pasa denak, nahiko ohikoa, bestalde, Gipuzkoako herri gehienetan, ia-ia guztietan ez esateagatik. Gehiago doitu beharra zegoen, eta halaxe egin zen ondorengo ekitaldietan, eta horren adierazgarri da Euskal Herriko Justizia Gorenaren Auzitegiak 2005eko Aurrekontuei buruz emaniko epaia, zeren eta, 2003an ez bezala, kasu honetan 2005eko Aurrekontuak egiteko modua ontzat eman baitu. Jakina den moduan, nahiz eta berak ez dakien Auzitegi Gorenera jo duten, hau ere errekurritu liteke, esan du. Hori



horrela, bera pozik dago, epaimahaiek Udalak aurrekontua egiteko garaian, lurzoruaren udal ondareari dagokionean, ez zuela jardun behar zuen bezain fin ibili erabaki badute ere, eta aukera aprobetxatzen du zinegotzietan esateko kontu hau ez dela automatikoki ulertzeko modukoa, baizik eta oraindik gaur egun teknikariek hor dabilta ulertzeko ahaleginak egiten, eta demostraturik dago termino konplexua eta aplikatzeko zaila dela. Berrituz dio, kontu hau dela eta, gehiago matizatzeko balio izan badu, aurrekontuak egiteko garaian zorrotzagoak izateko alegia, ondo etorria izan dadila, gaineratu du. Edonola ere, bidezkoa deritza aitatzeari 2005eko errekurtsioari buruz Justizia Goreneko Auzitegiak emaniko epaia lehengoaren erabat aurkakoa izan dela, eta hortaz poztu egiten da.

Mintzaldiak amaitutakoan.

Udalbatzak, aho batez,

E R A B A K I D U

Konpromisoa hartzea, Lurzoruaren Udal Ondarea kudeatzeko garaian, lehenetsia emango diola babes ofizialeko etxebizitzak egiteari, zehazki alokatzeak egiteko.

Egin beharreko jarduketak egiteko Eusko Jaurlaritzarekin hitzarmen bat erdiesteko lehen adierazitako emaitza lortzearren. Hots, epe labur, ertain eta luzeko jardunak jasoko dituen hitzarmen baten alde eginez.

Konpromisoa hartzea, zuzenean zein beste erakunde publikoekin eginiko akordio bidez, gazteentzako zuzkidura-hornigaizko?? eraikin bat egiteko horretarako Udalak Arramendi 36 sektorean aurreikusita duen 2.143 m²-ko udal orubean. Ildo beretik jardutea etorkizunean zirkunstantzietan hala aholkatzen duten aldiro, beti ere HAPOn aurreikusitako eremuetan urbanistikoki ahal baldin bada.

2008ko udal aurrekontuetan 3.467.834,00 euro sartzea, hain zuzen goian aitaturiko epaia betez, Udalak, Esnabide sektorean aprobetxamenduaren %10eko lagapena dela eta, babes ofizialeko etxebizitzak egin dituzten eta proiektuak egiteko.

Konpromisoa hartzea HAPOn aurreikusitako jardunetan lurzoru erdiesteko, bertan etorkizunean sustapen publikoko etxebizitzak egin ahal izateko.



Konpromisoa hartzea Lurzoruaren Udal Ondareko edozein partzelekin lortu litekeen diru-sarrera, ahal dela, babes publikoko etxebizitzak egiteko egokia den lur gehiago erosteko erabiliko dela.

Konpromisoa hartzea, kudeaketa argiago eta eraginkorragoa egiteko xedez eta Lurzoruaren Udal Ondareko ondasunak eta baliabideak ustiatzeko erregistro bat egitearren, kontratua egiteko.

Erabaki honen berri ematea Euskal Herriko Justizia Goreneko Auzitegiaren Salari eta auzia jarri zutenei, hain zuzen jakinarazteko eta sortu beharreko ondorioak sor ditzan.

12. Jose M^a Esnaola jaunaren eskaera, Loidi baserria interes bereziko obratzat aitortzeko.

Jose M^a Esnaola jaunak, Loidi baserria, interes bereziko obratzat aitortzeko eskaera egin zuen 2007ko uztailaren 17an.

Errenta eta Ordainarazpen sailak gaiari buruzko txostena egin zuen 2007ko urriaren 22an, kontu-hartzaileak ontzat emana.

Ogasuna batzordeak proposamena ikusi dute.

Mintzatu dira.

* Merino alkate jaunak (Socialistas Vascos-Euskal Sozialistak) adierazi du baserri hau errotik eraberritzeko asmoa dutela, eta obra-baimena eskatzeko garaian eskaeragileak tasak ordaindu behar ditu, baina baserri hau interes bereziko dela aitortua dagoenez, gure ordenantzetan aurreikusirik dago kasu horietan % 95eko deskontua egin behar zaiola baimena eskatu duenari. Hasiera batean ez ziren ohartu hori horrela zenik, eta orain osoko bilkurara ekarri dute eskaera hori onartzeko, zeina gai horren inguruan egin diren txostenen arabera, zuzenbidearen araberakoa baita.

Mintzaldiak amaitutakoan,

Udalbatzak, aho batez,

E R A B A K I D U

Aitortzea interes bereziko obra dela.

**10. Galdera-eskariak.**

* Ferradas jaunak (Ezker Batua-Berdeak) adierazi du pasa den urriaren 31n indargabetu zutela Pasaiako portuko Administrazio Kontseilua eta bilera horretan onartu zirela aurrerantzean burutu beharreko lanak, arduradunak eta obrak exekutatzeko epeak. Bilera horretara Juan Carlos Merino jauna, Errenteriako alkate gisa, joan zen, eta denek dakitenez portuaren inguruko etorkizunaz zer nolako polemika dagoen, Ezker Batua-Berdeak-ek uste du Alkateak argi eta garbi jokatu behar duela udal talde guztiei informazioa emateko orduan, hots, portuaren Administrazio Kontseiluak jorratu eta erabakitzen duenari buruz. Hori horrela, Ezker Batua-Berdeak-ek Alkate jaunari eskatzen dio bilera horretan emandako informazio eta dokumentu guztiak helarazteko, baita etorkizunean sor litezkeen bestelakoak ere.

* Merino jaun alkateak (Socialistas Vascos-Euskal Sozialistak) adierazi du Akta eskuartean duen bezain laster taldeei bidaliko diela.

* Legorburu jaunak (Ezker Batua-Berdeak) adierazi du pasa den irailaren 19an Laguntasuna Auzo Elkarteak Udal honetako sarrera-erregistroan idatzi bati sarrera eman ziola, eta bertan, Alkate jaunari bilera eskatzen zioten auzoan egiteke dituzten gauzei buruzko kontuak jorratzeko. Geroztik, 71 egun pasa dira, eta beraz, Alkateari eskatzen dio ea Laguntasuna Auzo Elkartearekin bilera egiteko asmorik duen edo idatziz erantzuna bat emango dien. Bere aburuz 71 egun nahikoak dira erantzuna emateko eta horren zain daude.

* Merino jaun alkateak (Socialistas Vascos-Euskal Sozialistak) adierazi du Udalak, zorionez, alkate bat eta sail ezberdinetako ordezkariak ditu. Eta, bere ustez, Legorburu jauna elkarte bateko burua izanik, jakin beharko luke gauzak nola tramitatzen diren. Normalean Hirigintzako, Hiri-zainketako edo Trafikoko delegatuak egiten die kasu auzo elkarteei eta herritarrei. Legez idatzi guztiak Alkateari zuzentzen zaizkio, baina Alkateak ez du zertaz arduratu zuzenean denez, gaineratu du.

* Queralt jaunak (Oreretako EAE/ANV) Ezker Batuko ordezkariak esan duen modura, portuko bileraz gain, San Markos Mankomunitatekoa, Añarbeko Urak, Jaizkibia, etab.en inguruko bilerak ere izan dira. Eta aurreko udalbatzan Alkate jaunak bilera horien berri emateko konpromisoa hartu zuen, eta orduan, jakin nahi du konpromiso hori finkoa den edo ez. Eta aurrerantzean aktak eta deialdiak jasotzea nahiko lukete. Izan ere, bestela, prentsa bidez jakiten baitute.



* Merino jaun alkateak (Socialistas Vascos-Euskal Sozialistak) adierazi du baietz, baina mintzatu direnek aitatu dituzten erakunde bakar batek ere ez duela egintzarik egin.

* Queralt jaunak (Oreretako EAE/ANV) adierazi du Hirigintza Aholku Batzordea oraindik ez dela osatu. Eta legea onartu zenetik jada urte bat eta erdi pasa direla. Beraz, ahalik eta lasterren osatzeko eskaera egiten dute.

* Merino jaun alkateak (Socialistas Vascos-Euskal Sozialistak) adierazi du ez duela uste hainbeste denbora pasa denik, baina hala izanda ere, prozedura jarraitzen dutela eta, oraindik aurreko astean bi auzo elkartek adierazi zuten nortzuk izango ziren euren ordezkariak. Lehenbailehen eratzeari dela, gaineratu du. Horrela, dagoeneko badira kontseilu horretan jorratu beharreko gaiak, eta ezin dituzte egin, hain zuzen, ez dagoela eratuta denboraren aferagatik. Asuntua ez dagoela geldirik, gaineratu du, izan ere, duela bi hilabete bidali zituzten idatziak elkarteei hauek ordezkariak izendatzeko. Hau frogatu eta horri buruzko agiriak daude, gaineratu du.

* Murua jaunak (Oreretako EAE/ANV) adierazi du eurek eskaera bat egin nahi dutela, izan ere, beraiei 10 eguneko epea eman zitzaien ordezkariak izendatzeko eta hori irailaren hasieran egin zuten eta orain ia-ia abenduan egonik, oraindik ez da osatu. Hori horrela, uste dute ezin direla egon jendeak ordezkariak izendatu arte zain egon, hain zuzen ez dakitelako noiz bukatu den. Beraz, proposatzen dute hurrengo hilean osatu dadin Hirigintzako Aholku Kontseilua.

* Merino jaun alkateak (Socialistas Vascos-Euskal Sozialistak) adierazi du horixe dela bere asmoa eta nahia. Gainera, Hirigintzako lege-aholkulariak, datorren astean oporrak hartzen dituzenez, badaki etorri bezain laster eginkizun hori egin behar duela. Bere ustez, 2007a amaitu baino lehen, erakunde hori eratu ahal izango dute.

* Jendartean zegoen batek euskaraz mintzatu da eta eskerrak eman ondoren, Oreretako Topagunearen izenean datorrela esan du. Oreretako Tapaguneak, beste hainbeste helbururen artean, euskal preso politikoei dagozkien eskubideen urraketaren aurrean salatzea eta gizarteari jakinaraztea litzateke, esan du. Une honetan ez nahiz soilik Oreretako Topagunea ordezkatzeko ari, baizik eta hori eserita dauden gizarte-eragile desberdinak. Besteak beste, kirol elkarte, gaztedi elkarteak, hainbat norbanakoen kristau elkarteko laguntza eskaini dietenak, eta prozedura honen barruan aurkeztutako 1.140 erkideen sinadurak. Horrela, hona ekarri duten puntua oso garrantzitsua da, ez bakarrik hori dagoen Maria Teresarentzat, baizik eta bereziki bere semearen Andoni Antzarentzat. Andoni Antza 2006ko azaroaren 9an bete zuen berari ipinitako 26 urteko zigorra. Ondoren, beste Zigor Kode bat atera zen,



eta ezinezkoa den arren atzera erabiliz berori baliatzea, aplikatu zaio zigorra. Eurek, zehazki, zera eskatzen dute: Urgentziazko mozioa hementxe bertan eztabaidatzea. Konkretuki, Andoni Antza etxeratzea eskatuko lukete, zeren eta legea, legea bada, ez dute ikusten zilegi denik pertsona hori urte bat eta gehiago mantentzea preso bere zigorra bete ondoren. Bere itxaropen guztia askatasunean jarrita zegoen, are gehiago, kontuan hartuta, Burgoseko espetxean dagoen zuzendariak espediente guztiak itxitzat emanak zituela. Eta hala ere, urte bat pasa ondoren, ez dute etxean ikusten. Horregatik, berriro dio, sarrera eman zioten mozioa eztabaidatzea eskatzen dutela.

* Merino jaun alkateak (Socialistas Vascos-Euskal Sozialistak) adierazi du bera ez datorrela bat egoera hau sustatu eta bideratzen duten egoera politiko eta sozialarekin. Bere aburuz, oro har biztanleriarentzat oso mingarriak dira, aitatu ez diren beste batzuk ere oso mingarriak dira gizartearentzat. Hitz egin duenak adierazitakoari dagokionez, egoera oso ondo ulertzen duela esan du, batez ere familiak, lagunek bizi duten egoera, eta oso larritzat jotzen du gertakari hauek gizarte honetan jazotzea. Hori horrela, berriro dio, hemen aitatu ez diren kontuez askozaz gehiago hitz egin beharko luketela. Eta mozioari dagokionez, berriz, azkeneko Bozeramaileen bileran ikusi zutela, esan du. Udaleko martxan funtzionamendu-arau batzuk dituzte, eta zehazki mozioei dagokionez, osoko bilkuretan soilik Udalarekin zerikusia dutenak eztabaidatzen dituzte. Zoritxarrez, dio, herritar gisa ukituak, inplikaturak, etab. sentiaraz gaitzaten egoera asko ematen dira, eta horiek alderdi politikoek, ondo derizkien foroetan, eztabaida ditzakete, baina Udalbatzaren osoko bilkuran soilik udal edukiari buruzko mozioak eztabaidatu daitezke, nabarmendu du.

* Berriro jendartean zegoen gizona mintzatu da, esanez, berak fotokopia bat duela, eta bertan, 2006ko ekainaren 30ean, Oreretako arazoa ez bazen ere, hemen erraustegiaren aurkako mozio bat eztabaidatu zuten, nahiz eta Donostian aurrez eginga izan. Hori horrela, uste du aukera denean eztabaidatu behar dela, eta ez uko egin. Bat dator badaudela oso mingarriak dauden egoerak, baina Iñaki Antzaren kasua urtebeteko bahiketa da, eta hori Estatuak eragiten duen indar guztiarekin.

* Merino jaun alkateak (Socialistas Vascos-Euskal Sozialistak) adierazi du birresten dituela lehen esandakoak. Donostian erraustegiaz hitz egiten badute San Markoseko hondakindegiaekin zerikusia duelako da. Berriro dio, haren egoera ulertzen duela, baina mozioa ez dute eztabaidatuko, gaineratu du.

* Itsasne Alvarez de Eulate andreak (Oreretako EAE/ANV) adierazi du Oreretako Topagunearen izenean hitz egin duenarekin bat datorrela euren taldea. Alkateari esaten diote egia dela aurreko asteartean Bozeramaileen



batzordean mozio hori aurkeztu zela. Bozeramaileen batzorde horretan bertan esan zen ere gai konkretu batzuk osoko bilkuran ez zirela eztabaidatuko, baizik eta Bozeramaileen batzordean. Alabaina, egia da ere urgentziazko mozioak existitzen direla, eta Oreretako Topugunekoak esan duen bezala, 2006ko ekainaren 30ean, Udaletxe honetan, bai alderdi sozialista, EAJ, EA, EB eta PPK adostutako mozio bat onartu zen, Galdera-eskaeratan urgentziazko mozio bat sartuz. Horrela, Udalbatzak ebatzi bazuen gai jakin batzuk soilik tratatu behar direla, Udalbatzaren eskumena da ere urgentziazko mozio hau sartzea edo ez. Beraz, eurek Oreretako Topaguneak eginiko eskaerarekin bat egiten dute, eta Udalbatzari (talde guztiei) eskatzen diote, mesedez, erabaki dezan urgentziazko mozio gisa sartzeko. Eta hori bozkatuz egiten da, gaineratu du.

* Merino jaun alkateak (Socialistas Vascos-Euskal Sozialistak) adierazi du gauza bat dela urgentziazkoa izatea, eta bestea, eskumenekoa izatea. Kontua da ez udalaren osoko bilkuran ikusteko afera, hain zuzen, proposamen hori ez dela udal eskumenekoa.

Eta aztertu beharreko gai gehiagorik ez zegoenez, Alkateak bilkura amaitutzat eman du egun bereko 09:20 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, _____zenbakitik _____ra, eta nirekin batera Alkateak sinatu du. Egiaztatzen dut.